



esquerda unida
consello comarcal

Secretaría de Organización e Finanzas
Rúa Corcubión, N° 9 1° B. 15010 A Coruña
Telf./Fax: 981 274662
finanzas@esquerdaunida-coruna.org

Sínteses do Programa Medioambiental

Despois de vinte anos de gobernos liberais, dezaseis do PP e catro do bipartito formado polo PSOE e o BNG, o pobo galego segue sen obter unha verdadeira resposta as súas necesidades ecolóxicas e sociais. As políticas desenvoltas en estas dúas décadas, lonxe de buscar o equilibrio entre desenvolvemento e sustentabilidade, preocupápanse só de contentar ao capital.

Comezamos esta última lexislatura, a do goberno bipartito, coa esperanza de que mellorara a situación do noso medio natural. Esperábase que desastres medioambientais como o *Prestige* nunca se repetirían, pero o certo é que agora, catro anos despois, parece que cada vez estamos máis afastados de cumprir os obxectivos medioambientais que unha sociedade moderna, democrática e xusta demanda.

As políticas caciquís seguen a producirse como en épocas anteriores. Unha vez máis os intereses económicos situáronse por enriba da cidadanía. Así o pobo galego tivo que saír de novo a rúa para defender os seus intereses que non son outros que a protección do medio natural como base de xeración de riqueza social para todos e todas e non só para uns poucos especuladores amparados polo poder político.

Desde Esquerda Unida somos conscientes de que o problema ecolóxico e social só pode solucionarse mediante un profundo cambio do noso modelo produtivo, por iso apostamos por un modelo radicalmente oposto ao desenvolvido polo actual goberno que ten como mostras o devastador plan acuícola ou o irresponsable plan eólico. Non cabe dúbida de que o crecemento económico está condicionado polos recursos limitados do noso planeta, por iso avogamos por un decrecemento sostible onde se faga máis con menos respectando ao medio natural e sen perder o actual nivel de benestar.

O interese pola defensa do medio natural avanzou moito nos últimos anos, e problemas como o cambio climático ou o cénit do petróleo, que levará aparellada unha crise enerxética sen parangón, acadan un lugar preferente nas preocupacións dos cidadáns. Esquerda Unida considera as asociacións ecoloxistas como actores sociais relevantes e representativos do sentir da cidadanía galega respecto co medio natural, por iso incorpora ao seu programa de goberno as medidas recollidas no “Programa para a terra” elaborado polos principais colectivos ecoloxistas.

Dende Esquerda Unida temos moi claros cales deben ser os nosos obxectivos no referente á política medioambiental, que non son outros que obter calidade de vida para as maiorías sociais sen por en perigo a das xeracións futuras. Consideramos que a protección, conservación e restauración do medio ambiente é garantía de saúde e benestar para todas as persoas e garante a satisfacción das necesidades que teñan as xeracións vindeiras. Por iso, Esquerda Unida, presenta un programa de goberno onde a sustentabilidade ecolóxica e a xustiza social son o centro das súas políticas. As medidas presentadas están encamiñadas a establecer as bases necesarias para cambia-lo noso modelo produtivo coa intención de crear emprego de calidade, potenciar a presea “do público” tanto no sector enerxético como no rural e diminuír a nosa dependencia exterior de enerxías fósiles como é o petróleo ou o carbón, o que, ademais de reducir as emisións de Gases de Efecto Invernadoiro (GEI) como o CO₂, mellorará a competitividade das nosas empresas en beneficio da economía galega.

A continuación presentamos as 20 medidas que propón Esquerda Unida para executar unha política sostible que permita recupera-lo medio natural galego, activar ó desenvolvemento rural e mellora a saúde dos galegos e galegas.



esquerda unida
consello comarcal

Secretaría de Organización e Finanzas
Rúa Corcubión, N° 9 1º B. 15010 A Coruña
Telf./Fax: 981 274662
finanzas@esquerdaunida-coruna.org

Sínteses do Programa Medioambiental

- 1 Reducir de forma masiva o consumo enerxético mediante unha **Lei de Aforro e Eficiencia Enerxética** que permita reducir as emisións de CO₂ ata cumprir cos compromisos acadados pola Unión Europea para 2020 e 2050. Utilizando os novos fondos Europeos para frenar o cambio climático.
- 2 Apoiar e apostar polo rápido crecemento das enerxías alternativas promovendo unha **Lei de Enerxías Renovables** que favoreza a descentralización e a inversión pública para democratizar a enerxía. Ao amparo da devandita Lei desenvolverase un novo plan eólico, democrático, xusto, transparente e sostible.
- 3 Fomenta-la redución do uso do automóbil e a mellora do transporte público, en especial do ferrocarril de proximidade e da rede de autobuses, mediante unha **Lei de Mobilidade Sostible**, a que a través da inversión pública, permita mellora-lo servizo, aumenta-la dispoñibilidade e reducir prezos. Estas actuacións traerán consigo un considerable aumento da oferta laboral, tan necesaria nestes intreos.
- 4 Establecer medidas efectivas para reducir a xeración de refugallo, favorece-la separación en orixe para facilita-la súa reutilización e **modifica-la obsoleta xestión centralizada de residuos urbanos por unha rede de centros descentralizada**. O custo económico, social e medioambiental xerado pola empresa pública SOGAMA debe rematar.
- 5 Incentiva-lo aluguer e a rehabilitación de vivendas fronte a compra das novas, impulsa-la bioconstrución e **fomenta-lo urbanismo sostible, racional e xusto** para evitar plans urbanísticos especulativos. Por intre, cada Plan Xeral de Ordenación Municipal (PXOM) debe incorporar un Plan de Mobilidade Sostible.
- 6 **Recuperar tódolos acuíferos do país**, controlando vertidos ilegais, saneando os contaminados e asegurando caudais ecolóxicos mínimos. É fundamental mellorar e amplía-la rede de Estacións Depuradoras de Augas Residuais (EDAR) para rematar cos vertidos sen depurar nos concellos galegos, acadando os recursos económicos a través dos novos fondos europeos para a xestión do auga.
- 7 **Protexe-la costa fronte a urbanización, as industrias acuícolas e os portos deportivos**, creando unha rede de espazos protexidos coherente, integrada e ben xestionada, que inclúa áreas tanto litorais como oceánicas.
- 8 **Remodela-lo sector pesqueiro e marisqueiro recuperando as pesqueirías artesanais** mediante a creación dunha rede de Reservas Mariñas de Interese Pesqueiro tutelada pola administración e autoxestionada polos propios pescadores e mariscadores. O que permitirá establecer unha certificación de pesca sostible (MSC) que aporte valor engadido á pesca galega nos mercados.
- 9 **Potencia-lo medio rural** coa intención de dinamizar e repoboar o agro galego, fomentando as actividades agrícolas, gandeiras e de silvicultura mediante a creación de infraestruturas, cooperativas e canles de distribución públicos que fomenten o consumo de produtos locais, utilizando os novos fondos europeos para fomentar o desenvolvemento do rural.
- 10 **Asegura-la limpeza do noso monte** para evitar incendios forestais mediante a incorporación de cuadrillas forestais e industrias públicas. Convertendo deste xeito un gasto nunha activade productiva, que xere emprego estable, consistente na transformación dos residuos forestais en biomasa, compost o incluso bioetanol.



esquerda unida
consello comarcal

Secretaría de Organización e Finanzas
Rúa Corcubión, N° 9 1° B. 15010 A Coruña
Telf./Fax: 981 274662
finanzas@esquerdaunida-coruna.org

Sínteses do Programa Medioambiental

- 11 Potenciar unha industria madeireira sostible de calidade (FSC) que dote ao noso monte de valor engadido**, favorecendo a preservación das especies autóctonas e promovendo coa inversión pública o establecemento da industria de transformación necesaria para que a riqueza xerada polos nosos montes fiquen no noso país e que os nosos silvicultores perciban un prezo xusto polo seu traballo.
- 12 Reduci-lo uso dos agroquímicos**, para reduci-la contaminación e obter produtos sans de calidade, **incentivando á agricultura e a gandería ecolóxica** mediante formación, promoción e axudas económicas e técnicas. Deste xeito, ao reduci-la dependencia do petróleo, lograse a estabilidade e a dignidade económica que necesita o agro galego para se converter no motor da nova economía sostible.
- 13 Protexe-los espazos naturais a través de novas Directrices de Ordenación do Territorio acadadas coa participación cidadá** e impulsar os espazos naturais protexidos, como a rede *Natura 2000*, garantindo a súa correcta xestión ao tempo que se favorece o ecoturismo rural coma nova fonte de riqueza. Se utilizará para isto os novos fondos Europeos para a protección da biodiversidade.
- 14 Promove-lo desenvolvemento das Axendas 21 Locais nos concellos e cidades para acadar, mediante participación democrática cidadá, un maior grado de desenvolvemento sostible**, tanto no ámbito social como no medioambiental. Ademais potenciarase o Consello do Medioambiente de Galicia.
- 15 Establece-lo código de boas prácticas medioambientais na administración galega** coa finalidade de reduci-lo seu impacto medioambiental. Ampliarase a oferta de emprego público para dotar á Administración de técnicos medioambientais e garantirase o consumo responsable nas adquisicións efectuadas, concretamente no referente á madeira e produtos forestais, se esixirá certificados como o FSC.
- 16 Favorece-lo consumo responsable, sostible, local e ecolóxico** da cidadanía a través de axudas e plans de concienciación, isto permitirá mellora-la calidade medioambiental da nosa terra así como os rendementos das empresas galegas e en consecuencia mellorará a economía galega e de toda a cidadanía en xeral.
- 17 Fomenta-la educación medioambiental** é o decrecemento sostible tanto nos rapaces e a mocidade nas escolas e universidades como nos adultos mediante obradoiros. Que tódolos galegos estean capacitados para aplicar a regra das “catro R”: Reducir, Reparar, Reutilizar e Reciclar.
- 18 Elaboración dunha nova fiscalidade ecolóxica que grave as actuacións que provoquen impactos sobre o medio natural e fomenta as boas prácticas ambientais**. Que sirva como antesala para emprender unha reforma ecolóxica e social da economía baseándose Ciclo Económico Natural (CEN), para que cada actividade produtiva, asuma os custos naturais e se establezan prezos xustos.
- 19 Establece-los mecanismos necesarios para protexer a saúde dos cidadáns** realizando as inversións necesarias para poder leva-la práctica o principio da prevención mediante a implantación do Plan Integral de Mellora da Calidade do aire na Comunidade e o Plan de Protección da Contaminación Electromagnética.
- 20 Engadir ao Servizo Galego de Saúde (SERGAS) a prestación das chamadas medicinas alternativas**, como a homeopatía ou a medicina naturista. Estas, pola súa propia filosofía reducen o consumo de fármacos químicos en favor de solucións naturais máis sostibles tanto económica como medioambientalmente.